

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 04 » սեպտեմբեր 2019թ.

N Վ-34/18

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Վ. Մանուկյանի կողմից 16.05.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Հակոբ Բարսեղի Աջեմյանի կողմից սեփականության իրավունքով իրեն և Ժաննա Աջեմյանին պատկանող Բարբյուսի փողոցի հ. 10 հասցեում ինքնակամ իրականացվել է քարե շինության վերակառուցման շինարարական աշխատանքներ, որի վերաբերյալ 16.05.2019 թվականին կազմվել է վարչական իրավախախտման վերաբերյալ թիվ 030416 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Հակոբ Բարսեղի Աջեմյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Հակոբ Բարսեղի Աջեմյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով և էտ են վերադարձվել:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 16.05.2019 թվականին քաղաքացի Հակոբ Բարսեղի Աջեմյանի նկատմամբ կազմված հ. 030416 արձանագրության հիման վրա հարուցված վարչական վարույթը 03.07.2019 թվականի վարչական իրավախախտման գործի վերաբերյալ հ. Վ-25/41 որոշմամբ կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Հակոբ Բարսեղի Աջեմյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Հակոբ Բարսեղի Աջեմյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 28.08.2019 թվականի հ. Վ-33/53 որոշումով քաղաքացի Հակոբ Բարսեղի Աջեմյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 28.08.2019 թվականի հ. Վ-33/63 որոշումով կասեցվել է 16.05.2019 թվականին քաղաքացի Հակոբ Բարսեղի Աջեմյանի նկատմամբ կազմված հ. 030416 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Հակոբ Բարսեղի Աջեմյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Հակոբ Բարսեղի Աջեմյանին Երևանի քաղաքապետարանում 04.09.2019 թվականին կայանալիք նիստին ծանուցելու համար:

Քաղաքացի Հակոբ Բարսեղի Աջեմյանը 04.09.2019 թվականին ներկայացել է Երևանի քաղաքապետարան և մասնակցել վարչական իրավախախտման գործի փաստական հանգամանքների քննարկմանը, հետևաբար վերացել է վերը նշված վարչական վարույթի կասեցման հիմքը:

Քաղաքացի Հակոբ Բարսեղի Աջեմյանը (անձնագիր AR0304559, տրված 24.05.2017 թվականին 004-ի կողմից) բացատրություն տվեց այն մասին, որ համաձայն չէ կազմված արձանագրության հետ: Արձանագրությունը կազմվել է օրենքի խախտմամբ: Օրենսգրքի 37-րդ հոդվածով սահմանված ժամկետը բաց է թողնվել: Գատարել է միայն սվաղի աշխատանքներ: Ներկայացնում է գրավոր առարկությունը և խնդրում կցել գործի նյութերին:

Քաղաքացի Հակոբ Բարսեղի Աջեմյանին տրամադրվեցին 03.07.2019 թվականի հ. Վ-25/41, 28.08.2019 թվականի հ. Վ-33/53 և 28.08.2019 թվականի հ. Վ-33/63 որոշումները, ինչի վերաբերյալ քաղաքացի Հակոբ Բարսեղի Աջեմյանի կողմից կատարվեց համապատասխան գրառում, որը կցվեց գործի նյութերին:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի հասարակական կարգի պահպանության ծառայության վարչության պետի 21.06.2019 թվականի հ. 51/44-43647h գրությունը, սեփականության իրավունքի պետական գրանցման վկայականի պատճենը, Երևան քաղաքի Արաբկիր վարչական շրջանի ղեկավարի 04.07.2019 թվականի հ. 25/01-59983 գրությունը, ՀՀ ոստիկանության Երևան քաղաքի վարչության Արաբկիրի բաժնի պետի 07.08.2019 թվականի հ. 29/6-8750 գրությունը, ներկայացված գրավոր առարկությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Հակոբ Բարսեղի Աջեմյանի կողմից սեփականության իրավունքով իրեն և Ժաննա Աջեմյանին պատկանող Բարբյուսի փողոցի հ. 10 հասցեում ինքնակամ իրականացվել է քարե շինության վերակառուցման, արտաքին հարդարման՝ սվաղի, շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասի 1-ին պարբերությամբ նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ս որոշմամբ (փոփոխ. 01.08.2017 թվականի թիվ 2645-Ս)՝

ՈՐՈՇԵՑԻ

1. Քաղաքացի Հակոբ Բարսեղի Աջեմյանի նկատմամբ 28.08.2019 թվականի հ. Վ-33/63 որոշմամբ կասեցված վարչական վարույթը վերսկսել:

2. Քաղաքացի Հակոբ Բարսեղի Աջեմյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

4. Սույն որոշումը կարող է բողոքարկվել վերադատության (վարչական) և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՆՊԱՆԻԿ ՄԱՐՏԻՐՈՍՅԱՆ